

БОШ КЕНТИМИЗ ТОБОРА ЧИРОЙ ОЧМОҚДА Президент Шавкат Мирзиёев 15 январь куни Тошкент шаҳрида амалга оширилаётган бунёдкорлик ишлари, корхоналар фаолияти билан танишди.

Қийин синовлар келтирган 2020 йил ортада қолиб, янги йил кириб келди. Бу йил барчага янги умидлар бағишламоқда. Бунга ҳамоҳанг барча соҳаларда, жойларда яхши ўзгаришлар рўй бермоқда.

Хусусан, пойтахтимизда ҳам қурилиш, янгиланиш давом этмоқда. Шаҳар марказидаги Ислоҳ Каримов кўчасида Олий Мажлис Сенати учун янги бино ҳозирланаётганидан кўпчилик хабардор. Лойиҳага кўра, 6 қаватли эски бино тубдан реконструкция қилиниб, кўшимча объектлар қурилкоқда. Бугунги кунда муҳандислик тармоқлари монтаж қилиняпти.

Давлатимиз раҳбари бу ердаги ишларни кўздан кечирди.

Ўзбекистон Республикасининг Олий Мажлиси олий давлат вакиллик органи бўлиб, қонун чиқарувчи ҳокимиятни амалга оширади. Шу боис, Сенатда доим иш «қайнайди». Юқори палатанинг ҳаёти муҳокама ва музокараларга бой. Хорижий делегациялар ҳам кўп ташриф буюради. Парламент назоратининг ўзи катта ва ўта муҳим вазифа.

Янги бинода ана шундай барча жиҳатлар инобатга олиниб, сенаторлар учун энг замонавий шароитлар яратилмоқда. Жумладан, Олий Мажлис палаталарининг кўшма мажлисини ўтказиш учун 280 ўринли зал ташкил этилмоқда. У миллий нақшлар билан безатилган, замонавий техникалар билан жиҳозланган бўлади.

Президент бу ерда қулайликларни ошириш бўйича кўрсатмалар берди.

– Парламентимиз фаол ишла-



япти. Мажлислар пайтида битта қонун лойиҳаси соатлаб муҳокама қилинади. Шунинг учун иштирокчиларнинг ҳаракатланиши, саломатлиги, ёши билан боғлиқ ҳар бир жиҳати эътиборга олиш, шунга яраша қулайлик яратиш

зарур. Залга қуёш нури тушиб турса, кайфиятга, ишга яхши таъсир қилади, – деди Шавкат Мирзиёев.

Янги бинода делегациялар билан учрашувлар, матбуот анжуманлари, оммавий ахборот воситалари вакил-



лар айланмаси 250 миллиард доллардан ошаётгани унинг улкан экспорт салоҳиятидан далolat беради.

Мамлакатимизда кўп йиллар бу тармоқ эътибордан четда қолганди. Заргарлик корхоналари асбоб-ускуналарининг 80 фоизи эскирган, айримларида ишлаб чиқариш тўхтаган эди.

Президент Шавкат Мирзиёев 2019 йил 8 май куни ўтказилган йиғилишда заргарликни чинакам саноат даражасига олиб чиқиш вазифасини қўйган эди. Кўп ўтмай, ўша йили 18 майда давлат раҳбарининг «Ўзбекистон Республикасида заргарлик тармоғини жадал ривожлантириш чора-тадбирлари тўғрисида»ги фармони қабул қилинди. Унга мувофиқ, соҳага чет эл инвестицияларини фаол жалб этиш, рақобатбардор ва сифатли заргарлик буюмларини тайёрлашда маҳаллий ишлаб чиқарувчиларни ҳар томонлама қўллаб-қувватлаш учун қулай шарт-шароитлар яратилди.

Яқинда пойтахтимизнинг Чилонзор туманида ишга туширилган «Gold Moon Tashkent» масъулияти чекланган жамияти – ана шу натижалардан бири.

Давлатимиз раҳбари ушбу корхонага ташриф буюрди.

Лойиҳани амалга ошириш учун қарийб 21 миллион АҚШ доллари жалб этилди. Италия, Германия ва Туркиянинг заргарлик тармоғида етакчи ҳисобланган фирмаларидан замонавий асбоб-ускуналар келтирилди.

2

Тошкент шаҳри

Ўзбекистон қасаба уюшмалари Федерациясида «Ветеран» жангчи-фахрий ва ноғиронлар бирлашмаси ҳамда Тошкент шаҳар қасаба уюшма ташкилотлари бирлашмаси кенгаши ҳамкорлигида Ватан ҳимоячилари кўни муносабати билан тадбир ташкил этилди.

Эътироф

Хар бир хизмат эътиборда

Унда қасаба уюшмалари билан ҳамкорликдаги фаолият, хусусан, уруш фахрийлари, ноғиронлиги бўлган фуқароларни ижтимоий қўллаб-қувватлаш борасида амалга оширилаётган ишлар алоҳида эътироф этилди.

Тадбирда Тошкент шаҳар қасаба уюшма ташкилотлари бирлашмаси кенгаши раиси Сайфулла Аҳмедов «Ветеран» бирлашмаси олдидаги хизматлари учун» кўкрак нишони билан тақдирланди.

Азизбек ТОҒАЕВ,
Тошкент шаҳар қасаба уюшма ташкилотлари бирлашмаси кенгаши раиси маслаҳатчиси

Сирдарё вилояти

Ўқув

Сирдарё вилояти қасаба уюшма ташкилотлари бирлашмасида Таълим ва фан ходимлари қасаба уюшмаси тизимидаги бошланғич ташкилотлар раислари малакасини ошириш мақсадида «Қасаба уюшмалари бошланғич ташкилотларида фаолиятни тўғри ва самарали ташкил этиш» мавзусида онлайн ўқув-семинар ташкил этилди.

Анжуман

Хам билим, ҳам малака

Унда фаолият механизми, ташкилотларда ҳужжатлар билан ишлаш, иш юритишни ташкил этиш, ижтимоий суғурта маблағларидан мақсадли фойдаланиш тартиби ва меҳнат муносабатларида ходим ва иш берувчининг ҳуқуқ ва мажбурияти каби фойдали билимлар берилди.

Семинарда «Қасаба уюшмалари тўғрисида»ги қонуннинг мазмун-моҳияти, ишчи-ҳодимлар манфаатларини ҳимоя қилиш борасидаги қатор моддалар атрофида тушунтирилди.

Алижон МАМАРАСУЛОВ,
Таълим ва фан ходимлари қасаба уюшмаси Республика кенгашининг Сирдарё вилояти бўйича масъул ташкилотчиси

Бухоро вилояти

Ойлик

Ватанпарварлик боғи

Жондор тумани марказида салкам беш гектар майдонни эгаллаган Ватанпарварлик боғи барпо этилиб, унга халқ қаҳрамони Маҳмуд Торобий номи берилди.

Ҳарбий-ватанпарварлик ойлиги тадбирлари доирасида ушбу ўзига хос масканининг очилиш маросими ўтказилди.

Бахтиёр БАҲРОМОВ,
Давлат муассасалари ва жамоат хизмати ходимлари қасаба уюшмаси Республика кенгашининг Бухоро вилояти бўйича масъул ташкилотчиси

Ишчи гуруҳ фаолияти «ЙЎЛ ХАРИТАСИ»ДА: «Обод кўча» ва «Обод хонадон»

Давлатимиз раҳбари ташаббуси билан шу йилнинг январь ойида Тошкент вилоятининг 7 та шаҳри ҳамда пойтахт туманларидаги маҳаллаларда ижтимоий-иқтисодий ва маиший масалаларни ўрганиш ҳамда уларни ҳал этиш, аҳоли ўртасида «Обод кўча» ва «Обод хонадон» мезонларини кенг тарғиб этиш бўйича Ўзбекистон қасаба уюшмалари Федерацияси масъуллигидаги ишчи гуруҳлари ташкил этилди.



Ишчи гуруҳнинг ташкилий йиғилишлари дастлаб ваъзирлик ва идоралар раҳбарлари иштирокида, сўнгра Тошкент шаҳридаги туман ҳокимлари ва туманларга бириктирилган Қасаба уюшмалари Федерацияси масъуллигида бўлиб ўтди. 11 январь куни Маҳаллалардаги ижтимоий-иқтисодий ва маиший масалаларни ўрганиш ҳамда уларни ҳал этиш бўйича Тошкент шаҳар штабининг ташкилий йиғилиши ўтказилди. Унда фаолиятни самарали ташкил этиш бўйича Штаб аъзолари таркибидан туманларга масъуллар бириктирилиб, кунлик маълумотларни қайд этиш бўйича намуна жадваллари шакллантирилди.

Ишчи гуруҳлар Тошкент шаҳрининг барча туманларида уйма-уй юриб, аҳолининг ижтимоий-иқтисодий ва маиший масалаларини ўрганишда аниқланаётган муаммоларни ҳал этиш чоралари кўрилиб, жойида ҳал этилмаган муаммолар туман, шаҳар, вазирлик ва идоралар (республика) кесимида белгилаб берилмоқда.

– Пойтахтдаги кўпқаватли уйлар, хонадонлар, ижтимоий ва бошқа соҳалардаги ижтимоий-иқтисодий ва маиший масалалар ҳолати ўрганил-

япти, – дейди Тошкент шаҳар штаби аъзоси, Тошкент шаҳар қасаба уюшма ташкилотлари бирлашмаси кенгашининг «Ташкилий ишлар» бўлими мудири Алишер Исломов. – Аҳоли билан юзма-юз суҳбатларда асосан соғлиқни сақлаш, таълим, моддий ёрдам, уй-жой, кадастр, бандлик ва табиий газ билан таъминлаш каби соҳалардаги муаммолар қайд этиляпти. Ишчи гуруҳлар фаолият бошлаганига кўп бўлмаган бўлса-да, ҳозирда ноқ ижтимоий-иқтисодий ва маиший масалалар бўйича аниқланган муаммоларни бартараф этиш чоралари кўрилмоқда.

Бундан ташқари, ободонлаштиришга муҳтож кўчалар, таъмирланганидан йўللар, кўча ва объектлар, коммунал соҳадаги муаммолар, мактаб, мактабгача таълим муассасаси, эскирган симёғочлар, болалар майдончалари ва иссиқлик таъминоти билан боғлиқ масалалар ҳам ишчи гуруҳ эътиборида.

Ўрганишлар натижалари секторлар ва мутасадди раҳбарлар иштирокида муҳокама қилиниб, маблағ ҳамда муддат талаб этадиган масалалар бўйича «Йўл хариталари» шакллантирилади.

Аъзам АБУЛҒАЙЗОВ,
«ISHONCH»

«ИПАК ЙЎЛИ ДУРДОНАСИ»

Тошкент халқаро кинофестивали қайта тикланади



2

Жавоб кутаётган саволлар...

5

Тиғиз пайт: МЕТРОДАГИ ТИҚИЛИНЧЛАР ҚАЧОН БАРҲАМ ТОПАДИ?



7

ЎЗЛИК ИЛДИЗЛАРИГА ЗАРБА



6

